

SAMANSLÅING AV UNGDOMSSKULAR – MASFJORDEN KOMMUNE

Uttale frå Fagforbundet

Fagforbundet hadde styremøte onsdag 19.09.2018, der saka vart gjennomgått.

**Fagforbundet går inn for alternativ 2 i rådmannen sitt framlegg til vedtak:
«Alle tre skular til ein felle ungdomsskule»**

Fordelar ved ein felles ungdomsskule:

Fagforbundet meiner det vil vere ein stor styrkje for klasse-/elev- og læringsmiljøet at det blir større klassar på ungdomssteget.

Det vil vere lettare å rekruttere fagpersonar som har spesiell kunnskap om undervisning på ungdomssteget.

Det vil og kunne bli større breidde i valfagtilbod og tilvalsfag.

Det vil og bli eit klart skilje mellom barne- og ungdomssteget, noko som vil vere inspirerende og positivt for elevane.

Elevane får nye/fleire venner, nye lærarar og høve til å kome ut av evt gamle mønster som tek fokus bort frå undervisninga.

Elevar med spesielle behov kan få andre i klassen som har det på same måten, noko som vil føre til at dei ikkje føler seg så spesielle/åleine.

Fagforbundet ser det som ein styrkje at ungdomsstega på alle tre skulane vert samla. Noko anna kan føre til enda meir «deling» av ungdomsmiljøa i Masfjorden enn dagens ordning.

Sjølvsagt kan det også vere moment som talar mot samanslåing:

Det kan verte slitsomt for dei elevane som får reiseveg på ca 1 time kvar veg, men slik det kjem fram av utgreiinga så vil dette gjelde svært få elevar.

Det kan bli færre arbeidsplassar, noko som i verste fall kan føre til oppseiingar.

Dette kan avhjelpast ved at det vert laga kompetanseplanar for tilsette, slik at Masfjorden kommune kan byggje på dei tilsette vi har i dag og gjere dei budde for nye oppgåver.

Sidan barnesteget skal bestå på alle dei tre skulane, ser vi ikkje at bygdelaga misser samlingsplassar.

Masfjordnes, 21.09.2018

Fagforbundet v/styret

Britt Inger Myhr
leiar